

Seaport Bingo

Open Bar, Snacks y Entretenimiento en vivo

Diadomingo 6 di Augustus pa 4:30 p.m.

Progresivo
Afl. 68.049

Afl. 20,- pa carchi regular Afl. 3,- pa 6 carchi progresivo

CORDA NOS SEAPORT POWER BALL BINGO @ SEAPORT CASINO DI DIALUNA PA DIASABRA 1:00 P.M.



Asina'ki nos himno "Aruba Dushi Tera" a nace

Tanto biaha cu a splica nacemento di "Aruba Dushi Tera"; tanto entrevista cu Padu Lampe (Padu del Caribe), a tene, splicando esaki, te ainda ta scucha hende ta papia cos cu nan no ta na altura di dje y ta bruhandu tur cos y asina tambe deforma historia.

Pa deforma historia, "Aruba ta na prome lugar di mundo" ta locual semper mi sa bisa.

GRABACION DI DISCO NA ARUBA

Tabata tin un tempo cu Padu Lampe y Rufo Wever (q.e.p.d.) a forma un compania pa graba disco bao di e nomber, **Aruba Recording Co.**

Nan tabata graba composicionnan original di Rufo mes y tambe composicionnan original di Padu tambe.

Cu frecuencia nan tabata graba piezanan cu nan a compone hunto.

E grabacionnan aki tabata tuma lugar den sala grandi, den cas di Rufo, den Wilhelminastraat, net dilanti unda actualmente nos ta haya warda di polis, cu tabata conoci como Edificio di Mario S. Arends, — Watapana Club, unda Voz di Aruba a nace na 1954, Commercial Building, debi na Commercial Bank cu tabata abao, cu oficina di Mario S. Arends na banda, — prome cu el a bira warda di polis conoci awe na Playa.

E grabacionnan tabata ser haci riba un disco "master" cu cu nan tabata manda Miami, Florida, Merca, cu ordo pa imprimi 1000 disco.

E disconan e tempo ey tabata tin 78 RPM, esta e disconan preto cu awe no ta existi mas, solamente como "obhetonan di recuerdo" cerca esnan cu por tin nan ainda.

E disconan tabata wordo bendi na Aruba y na Corsow y cu hopi exito, pasobra semper tur tabata wordo bendi riba un "label" cu Rufo mes a pidi pa yame "Padu" label.

Durante existencia di nan compania, segun publicacionnan cu ainda Padu tin den su poder, nan a graba mas o menos 10.000 disco.

ARUBA DUSHI TERA

Ainda tin hende cu no a busca pa sa con "Aruba dushi tera" a nace.

Tin cu ta bisa cu ta Rufo a compone y Padu a yude den esey. Otronan ta bisa cu ta Rufo a compone e musica y cu Padu a compone e letranan.

Nada di esakinan ta cuadra cu verdad.

E idea a nace cerca Padu pa compone un pieza cu yama "Aruba dushi tera" sin cu nunca e por a pensa cu e pieza ey, algun dia lo a bira nos himno inmortal "Aruba dushi tera".

Na principio Padu a compone "letra y musica" pa dos couplet so, cu idea pa despertar un sentimento patriotico den curazon di nos digno pueblo di Aruba.

Na 1954, Padu a bay cerca Rufo pa e pidi Rufo yude den e trabao aki.

Rufo a pidi Padu pa toca y canta e dos coupletnan cu el a traha. Padu a toca esaki riba piano cu Rufo tabata tin na cas.

Despues cu Rufo a scucha e cancion cu atencion, el a bisa Padu cu ta den "sol mayor" Padu a compone e pieza aki, cu den e prome estrofa di e prome couplet Padu ta keda den "sol mayor".

Rufo a propone pa lague cai den "mi B mol" pa asina e por zona mas bunita, locual a wordo haci tambe y cu Padu a yega di splica varios biaha.

Tambe Rufo a bisa cu Padu ta papia di e "cordialidad di nos

pueblo" y di "nos playanan di santo blanco, manera sneu y dorna cu hopi bunita mata di coco."

Rufo a haya esey bunita pero a laga sa cu Padu a lubida cu Aruba tin su "escudo" tambe y cu e ta haya cu esaki mester wordo agrega na e composicion.

Esaki a wordo haci mes ora tambe.

GRABACION DI E COMPOSICION

Rufo cu Padu mes no por a graba e composicion aki, pasobra un parti di un pieza a kibra den e grabador cu nan tabata usa pa graba.

Riba un cassette nan a duna Radio Kelkboom esaki na 1954.

E tempo ey Radio Kelkboom tabata situa den Hendrikstraat.

Frere Alexius cu a lesa e palabranan di e cantica ey, a bisa cu por fin tin un cantica na papiamento cu ta papia asina bunita di Aruba, y el a laga graba e pieza den studio di Radio Kelkboom, canta pa un grupo di mucha cu tabata forma De Trupialen, dirigi pa frere Alexius.

Padu personalmente a acompaña e muchanan riba piano.

E tape aki a wordo toca hopi na e emisora y hopi oyente tabata haci peticion pa ripiti e cancion.

E mes aña aki, Voz di Aruba tambe a cuminsa su transmisionnan y tambe tabata toca e pieza tur dia.

Riba un bon dia, Padu a ricibi un yamada telefonico di e luchador grandi pa nos Status Aparte, Sr. Betico Croes (q.e.p.d.) cu tabata miembro di Eilandsraad e tempo ey, cu si Padu cu Rufo lo kier a duna gobierno e derecho exclusivo pa haci "Aruba dushi tera" e Himno Nacional di Aruba.

Padu a yega di splica varios biaha con loco di contento el a bira cu e peticion aki y a laga sa cu Rufo tambe lo keda masha gradecido y contento cu e idea aki.

Padu y Rufo a traha un di tres couplet cu letranan cu ta bisa:

"Grandeza di bo pueblo ta su gran cordialidad."

"CU E PUEBLO por guia y conserva

su amor pa libertad....."

Aki por mira cu a keda unda si E PUEBLO di Aruba ta kere of no den un Dios Todopoderoso.

Sr. Hubert "Lio" Booi, amigo grandi di Padu y Rufo, escritor, pintor y compositor, tambe a presenta na un reunion cu gobierno di Aruba riba asunto di e himno pa Aruba.

Sr. Booi a presenta cu un di 4 couplet cu ta papia tambe hopi bunita di e pueblo di Aruba, pero cu a pone enfasis cu e pueblo di Aruba ta un pueblo creyente y cu a acepta Cristo como su Salvador personal!

Sr. Booi mes a bisa cu 4 couplet ta haci e himno bira mucho largo y el a sugeri pa laga e tres coupletnan di Padu cu Rufo keda, pero mester hinca e palabra DIOS den e ultimo frase.

El a pidi tur presente pa pensa con por haci esaki.

Finalmente Sr. Hubert Booi mes a bisa cu e ultimo estrofa mester zona asina ki:

"cu DIOS por guia y conserva su amor pa libertad".

AUTOR UNICO NA MUNDO

Aki riba ta e historia di nacimiento di "Aruba Dushi Tera", manera e TA y no manera hopi hende kier pa e aparenta.

Mi ta kere cu por hasta tuma contacto cu Sr. Padu Lampe pa averigua si loke tin skirbi aki riba no ta corecto, y si e no ta corecto, sigur Padu mes lo reacciona pa coregimi.

Ta bon pa nos recorda, cu Padu ta e UNICO co-autor di un himno di un pais AINDA na bida.

Juby Naar.